

TYSVÆR KONTROLLUTVAL

PROTOKOLL

Tysdag **9. juni 2020** blei det halde møte i Tysvær kontrollutval under leiing av utvalsleiar Ola S. Apeland.

MØTESTAD:	Tysvær rådhus, kommunestyresalen
MØTESTART/-SLUTT:	kl. 18.00 – kl. 20.35
MØTANDE MEDLEMMER:	Ola S. Apeland (H), Karsten A. Larsen (FrP), Emly Årvik (A), Marit Hølland Gjedrem (Sp) og Svein Terje Brekke (KrF)
FORFALL:	Ingen
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN MØTTE:	Forvaltningsrevisor Bjørg Rabbe Sandven, KPMG AS, Bergen på Teams i sakene 13-15
ANDRE SOM MØTTE:	Ordførar Sigmund Lier (A) Rådmann Sigurd Eikje Komm.sjef teknisk Bjørn Bruaset i sak 15/20 Kommunalsjef Jorid Veia Isdahl i sak 16 og 18 Barnevernsleiar Stine Heinz i sak 17/20
MERKNADER TIL INNKALLING	Ingen
MERKNADER TIL SAKSLISTE:	Sakene 16 og 17 blei flytta fram, etter 12/20. Der etter sakene 13-15 og så sak 18/20. Utvalsleiar varsla to saker under Eventuelt.

FØLGJANDE SAKER BLEI HANDSAMA:

SAK 12/20 GODKJENNING AV PROTOKOLL FRÅ MØTE 12.05.20

Sekretariatet si innstilling:

Protokoll frå møtet i Tysvær kontrollutval den 12.05.20 blir godkjent slik han ligg føre.

Handsaming i kontrollutvalet 09.06.20:

Utvalet hadde ingen merknader.

Samrøystes vedtak i kontrollutvalet 09.06.20:

Protokoll frå møtet i Tysvær kontrollutval den 12.05.20 blir godkjent slik han ligg føre.

SAK 13/20 PLAN FOR FORVALTNINGSREVISJON 2020-2024

Sekretariatet si innstilling:

Tysvær kommunestyre vedtar Plan for forvaltningsrevisjon for perioden 2020 – 2024 slik den ligg føre, og med følgjande prioriteringar:

1.
2.
3. osv.

Tysvær kommunestyret gjer kontrollutvalet delegert mynde til å endre planen i planperioden i samsvar med kommunelova § 23-3.

Handsaming i kontrollutvalet 09.06.20:

Utvalsleiar innleia. Forvaltningsrevisor Sandven deltok via Teams. Ho gjekk igjennom områda som tidlegare var valt ut. Utvalsleiar delte ut framlegg til prioriteringsliste og utvalet drøfta denne:

- *Beredskap; hendingar og katastrofar*
- *Barnevernet*
- *Reduksjon i framtidig inntektsgrunnlag*
- *Samspel mellom tilsette, administrasjon og folkevalde*
- *Kontraktoppfølgjing*
- *Manglande kompetanse*

Utvalsmedlemma kom med framlegg på kva dei meinte kunne vere dei viktigaste i planen. Etter drøftingar blei utvalet samd i å gje følgjande prioritet:

1. *Beredskap; hendingar og katastrofar,*
2. *Barnevernet,*
3. *Reduksjon i framtidig inntektsgrunnlag,*
4. *Kontraktsoppfølging,*

og at desse kunne også vere aktuelle:

- *Samspelet mellom tilsette, administrasjon og folkevalde*
- *Manglande kompetanse*

Samrøystes vedtak i kontrollutvalet 09.06.20 og innstilling til kommunestyret:

Tysvær kommunestyre vedtar Plan for forvaltningsrevisjon for perioden 2020 – 2024 slik den ligg føre, og med følgjande prioriteringar:

1. *Beredskap hendingar og katastrofar.*
2. *Barnevern*
3. *Reduksjon av framtidig inntektsgrunnlag*
4. *Kontraktsoppfølging*

Andre område som kan vere aktuelle for forvaltningsrevisjon i perioden er:

- *Samspelet mellom tilsette, administrasjon og folkevalde*
- *Manglande kompetanse*

Tysvær kommunestyret gjer kontrollutvalet delegert mynde til å endre planen i planperioden i samsvar med kommunelova § 23-3.

SAK 14/20 PLAN FOR EIGARSKAPSKONTROLL 2020-2024

Sekretariatet si innstilling:

Tysvær kommunestyret vedtar Plan for eigarskapskontroll 2020- 2024 slik den ligg føre/ med endringar/tillegga og med følgjande prioriteringar:

1.
2.
3. osv.

Retningslinjer for selskapskontroll i Tysvær kommune blir vidareført slik dei ligg føre frå 2006 og sist endra 2012.

Tysvær kontrollutval får delegert mynde til å endre planen i planperioden i samsvar med kommunelova § 23-4.

Handsaming i kontrollutvalet 09.06.20:

Utvalsleiar innleia. Forvaltningsrevisor Sandven deltok via Teams. Utvalsleiar delte ut framlegg til prioriteringsliste og utvalet drøfta denne:

- *Generell eigarstyring*
- *Haugaland Kraft AS*
- *Haugaland Interkommunale Miljøverk (HIM) IKS*
- *Haugaland Vekst IKS*
- *Friluftsrådet Vest*

Utvalsmedlemma kom med sitt syn på kva dei meinte kunne vere viktigast. Etter drøftingar blei utvalet samd i å gje følgjande prioritet:

1. *Generell eigarstyring*

Andre selskap som kan vere aktuelle for eigarskapskontroll er:

- *Haugaland Kraft AS*
- *Haugaland Interkommunale Miljøverk (HIM) IKS*
- *Haugaland Vekst IKS*
- *Friluftsrådet Vest*

Samrøystes vedtak i kontrollutvalet 09.06.20 og innstilling til kommunestyret:

Tysvær kommunestyret vedtar Plan for eigarskapskontroll 2020- 2024 slik den ligg føre med, og med følgjande prioritering:

1. Generell eigarstyring

Andre selskap som kan vere aktuelle for eigarskapskontroll er:

- *Haugaland Kraft AS*
- *Haugaland Interkommunale Miljøverk (HIM) IKS*
- *Haugaland Vekst IKS*
- *Friluftsrådet Vest*

Retningslinjer for selskapskontroll i Tysvær kommune blir vidareført slik dei ligg føre frå 2006 og sist endra 2012.

Tysvær kontrollutval får delegert mynde til å endre planen i planperioden i samsvar med kommunelova § 23-4.

SAK 15/20 FORVALTNINGSREVISJONSRAPPORT «KVALITETSSIKRING AV PLAN- OG BYGGESAKSHANDSAMINGA»

Sekretariatet si innstilling:

1. Tysvær kommunestyre har merka seg det som kjem fram i KPMG sin rapport «Kvalitetssikring av plan- og byggesakshandsaminga» og tek denne til orientering.
2. Rapporten vert oversendt til rådmannen for vidare oppfølging av rapporten sine 9 tilrådingar.

(Utvalet vil spesielt trekkje fram punkt (-ene)..... som viktige å følgje opp.)

3. Rådmannen gjer tilbakemelding til kommunestyret via kontrollutvalet om oppfølging av rapporten innan 12 månader etter at kommunestyret har gjort sitt vedtak.

Handsaming i kontrollutvalet 09.06.20:

Forvaltningsrevisor Sandven gjorde greie for føremål, problemstillingane, deira vurderingar og tilrådingar via Teams. Kommunalsjef teknisk meinte det var ei verdefull rapport til hjelp for å betre plan- og byggesakshandsaminga. Fleire av punkta var kjente, og desse ville dei jobba med vidare.

Utvalet meinte rapporten viste at det var ting å ta tak i, men dei var også trygg på at tilrådingane ville bli følgd opp. Utvalet var samd i å ikkje framheva nokre punkt, så dette ville dei ha strøke. Utvalet støtta elles innstillinga.

Samrøystes vedtak i kontrollutvalet 09.06.20 og innstilling til kommunestyret:

1. *Tysvær kommunestyre har merka seg det som kjem fram i KPMG sin rapport «Kvalitetssikring av plan- og byggesakshandsaminga» og tek denne til orientering.*
2. *Rapporten vert oversendt til rådmannen for vidare oppfølging av rapporten sine 9 tilrådingar.*
3. *Rådmannen gjer tilbakemelding til kommunestyret via kontrollutvalet om oppfølging av rapporten innan 12 månader etter at kommunestyret har gjort sitt vedtak.*

SAK 16/20 ORIENTERING FRÅ ADMINISTRASJONEN – KOMMUNALSJEF OPPVEKST OG KULTUR

Sekretariatet si innstilling:

Tysvær kontrollutval vedtek Tysvær kontrollutval tek gjennomgangen frå kommunalsjef oppvekst og kultur sitt arbeids- og ansvarsområde til orientering.

Handsaming i kontrollutvalet 09.06.20:

Kommunalsjef oppvekst og kultur viste organisasjonskart, som var nytt frå 01.09.19. Ho har no ansvar for helsestasjon/skulehelsetenesta, PPT, skulane (8 + Tysvær opplæringscenter), barnehagane (7+3) og kulturen (4 einingar). Ho viste deira visjon, hovudmål og delmål. Det vert satsa sterkt innan god og robust psykisk helse for barn og unge og dette med deltaking og medverknad. Det vert arbeida med gode system for oppdage og setje i gang tidlege tiltak. Av andre satsingstiltak blei Ungdomsløftet (13-30 år) og Foreldrerettleiing trekt fram. Det siste har fått statlege midlar og er eit fellesprosjekt mellom fleire kommunar på Haugalandet.

Utvalet hadde spørsmål om det blei fanna for vidt når det gjeld satsingsområde og om kommunen sikrar seg slik at ein følgjer lov og forskrift. Ho viste til at dokumentasjon her var viktig. Det var krevjande, men at det skal komme på plass. Ho gjekk så over til å orientere om tilsyna, som er tatt inn under sak 18. Utvalsleiar takka for orienteringane.

Samrøystes vedtak i kontrollutvalet 09.06.20:

Tysvær kontrollutval tek gjennomgangen frå kommunalsjef oppvekst og kultur sitt arbeids- og ansvarsområde til orientering.

SAK 17/20 ORIENTERING FRÅ ADMINISTRASJONEN – BARNEVERNLSLEIAR

Sekretariatet si innstilling:

Tysvær kontrollutval tek orienteringa frå barnevernsleiar om sitt arbeids- og ansvarsområde til orientering.

Handsaming i kontrollutvalet 09.06.20:

Barnevernsleiar takka for invitasjonen. Ho viste organisasjonskart over dei tre tema: undersøking- og tiltaksteamet, rettleiarteamet og omsorgsteamet. Sidan 2019 var det no ein leiar og to fagleiarar, tils. 19 tilsette på 16,4 årsverk. Deira mandat var barnevernslova, med dei krav det sett.

Alle vurderingar blir tatt i team, men kontakt med familiane er ein til ein. Fokusområde dei siste åra hadde vore: barn si medverknad og openheit og tillit. Det vert jobba med planer for sikre kvalitativ dokumentasjon og auka kompetanse for dei tilsette.

Utvalet hadde spørsmål knytte til endringar etter ekspertutreiinga. Ho viste til at dette var krevjande tenester. Det hadde skjedd ei stor utvikling innan faget dei siste 20 åra. Ho og dei tilsette hadde ønskje om å gjere ein god jobb, og kritikk såg ho på som moglegheit for utvikling innan fagfeltet. Utvalsleiar takka for orienteringa.

Samrøystes vedtak i kontrollutvalet 09.06.20:

Tysvær kontrollutval tek orienteringa frå barnevernsleiar om sitt arbeids- og ansvarsområde til orientering.

SAK 18/20 REFERAT- OG ORIENTERINGSSAKER 09.06.20

25. Kommunen si oppfølging av brot på opplæringslova v/kommunalsjef
26. Skulesjefen sitt svar 29.05.20 til FM om lukking av tilsyn etter § 9A - Tysværvåg B/U
27. Skulesjefen sitt svar 29.05.20 til FM om lukking av tilsyn etter § 9A - Frakkagjerd US
28. Statusrapport pr. juni 2020
29. Representantskapsmøte i Haugaland Interkommunale Miljøverk IKS 27.05.20
30. Representantskapsmøte i Interkommunalt Arkiv i Rogaland IKS 10.06.20
31. Medlemsinformasjon mai 2020 – frå FKT

Handsaming i kontrollutvalet 09.06.20:

Pkt. 25-27 – tilsyn § 9A

Kommunalsjefen orienterte om tilsyna og ho var glad for at fylkesmannen fører tilsyn. I Tysvær var det at dokumentasjonen var mangelfull. Skulane har plikt til å arbeide førebyggjande. Plan var utarbeida, men rutinane og oppfølging var ikkje godt nok dokumentert. Det blir no jobba vidare med å få lukka avvika.

Utvalet var samd i at dette arbeidet er krevjande, men at det er viktig å gjere alt ein kan for å oppfylle lovkrava innan § 9A.

Utvalet hadde ingen merknader til dei andre sakene.

Samrøystes vedtak i kontrollutvalet 09.06.20:

Referatsakene nr 25 – 31 blir tatt til orientering.

Tysvær kontrollutval viser til kommunalsjefen si utgreiing om kommunen sin oppfølging av rapportene om brot på opplæringslova kap. 9a og det vidare arbeid innan dette område og tar saka til orientering.

EVENTUELT

E-post frå gruppeleiar FrP

Utvalsleiar orienterte om at han same dag som møtet hadde fått e-post frå Randi Rettedal om ønske om at kontrollutvalet sjekka opp vedtak, der eit framlegg om omgjerjing av ein orienteringssak til politisk sak på sakslista var blitt nedstemt. Ho viste til mindretalet si rett til å få satt ei sak opp på sakskartet dersom 1/3 av organet krev det, jf. kommunelova § 11-3.

Ordførar orienterte om bakgrunn for saka og frå dagens formannskapsmøte og den vidare saksang når det gjaldt å gjere rapport tilgjengeleg.

Utvalet bad rådmannen orientere i neste møte om praksisen innan dette feltet.

Kommunestyremøtet i juni på Teams

Utvalsleiar ønskte at ordføraren forklarte kvifor kommunestyremøtet skulle vere på Teams, den 16. juni, nå når det var letta på restriksjonane. Leiar meinte det måtte vere tunge grunnar for å ikkje møte fysisk. Ordførar viste til at kommuneoverlegen meinte bruk av kommunestyresal ikkje var høveleg. Nygårdssalen i Tysværtunet var vurdert, men den hadde ikkje mikrofonar til alle, og det var ikkje mogeleg å strøyme møtet. Det var i tillegg komme meldingar frå representantar som fortsatt var redde for smitte ved å møte opp fysisk. Det var lagt stor vekt på at publikum gjennom å følgje møtet digitalt, kunne følgje debatten. Derfor var fysisk møte utsett til september.

Utvalet var tilfreds med svaret, men peika på at det var viktig at møteleiar og sekretær-/ane passa på at alle var innlogga heile tida.

Neste møte: tysdag **15. september** 2020, kl. 18.00

Saker: Orientering frå kommunalsjef helse og omsorg, oppfølging av rapport om kvalitet og ressurseffektivitet innan pleie- og omsorgstenestene, revisor si eigenmelding for 2020, utvalet sitt framlegg til budsjett 2021, anbudsprosess for val av revisor frå 01.07.21

Aksdal, 9. juni 2020

Ola S. Apeland (sign.)
kontrollutvalsleiar

Toril Hallsjø (sign.)
Utvalssekretær